

悔

翁

詩

鈔

梅翁詩鈔十四

江甯汪士鐸

題歸安吳貞女詩

溪前苦霧水獺肥溪上清露驅孤飛蘋花滿地雪溪冷
知有佩珩乘月歸

元延尺

代周小農丙午三月四日

獵罷長楊意氣衰昭陽禍水鎮追陪侍郎未老皇孫啄
請爲君王度量來

題登原訪碑圖爲周筱農作

昔年淮泗真人起曾卜筵尊大吉羊今日尊前慚數典
多君能話夥頤王

題周筱農僧伽圖君善金石時方餽予鹽筍故戲

及之

道州太史文章伯

何子貞

金石今參法眼燈借使菩提同

說戒不知誰是碓坊僧

平生北秀南能外玉版風流是本師暇日與君作都講
開堂先說籙龍兒

鴟鳥連啼性不知止故以集榭爲苦詩以調之

影亂驚鴻碧樹低高飛怪殺子規啼桃花流水無人管
合併春江乳鴨棲

題扇

鄰僧新爲補雷琴蛇蚶紋多入漆深偶向蜜梅花下鼓

被人知有出塵心

綠樹春深畫掩屏
曲牕矮几篆烟青
自泥金葉和膠罷
虔寫波羅一卷經

館陶家丞印

上林苑外接昆池
貴主香車絕道馳
墨勅斜封除吏眾
何嘗只有買珠兒

奉車都尉龜紐印

香飄豹尾彩離披
天語分明近侍知
後日無從覩司隸
輸君親見漢官儀

漢曲成國侯玉印白文

蟲達之印

五星灞上氣成龍
春殿金吾御仗紅
何事史臣惜佳傳

負君一十八元功

隋大業二年造高寸許銅佛

羣盜縱橫徧九州征遼未了瘡
邦溝金仙卽有能仁術
無奈君王鏡裏頭

無題

成虧兩失悔尤多舊事追維喚
奈何欲乞慧燈然丈室
愛根斬盡斬天魔

廉石圖送某明府

代

曉鴉啼徹禁城春祖帳三三拜
畫輪淮雨江風盡惆悵
射陽猶有感恩人

臥轍衣冠滿運堤虛堂琴罷鳥
空啼昨來禪智山光寺

鼓吹分明罷竹西

曾隨塞雁共南飛
內外清齋馬不肥
卻怪淮南千萬戶
不如拳石伴公歸

扁舟只載五湖烟
引退西畊好畊田
何事灞橋橋畔柳
望公三起忽三眠

無題

鬻貨好內曹
景宗畫錦乃慕韓
魏公
蟬螬紺碧影照水
輕薄莫怪羅江東

放歌

桃花一笑三千春
玉簫吹倒秦樓塵
欲割岱華作螺黛
世上無此掃眉人

詩十四
三
有鳥鳴春蟲鳴秋四時任與造物遊珊瑚綴冠金在笥
相子之面非通侯

夢中得詩三句因足末語成之

石墜莓苔帶殘雨苔上落花紛可數枝頭好鳥正鳴春
勸卿莫語如嬰武

北斗

北斗斜倚天雨霜屋角小蟲催洗漿燭天酒船紈綺子
量珠打漿迎紅粧

得馬失馬俗見爾濯纓濯足自取之寸膠難湛九曲濁
勸君閉門忍朝饑

訪馬紉蟬

青莎獵獵紅蕖疏誰家炊秔羹鰕魚烟深雨細路不辨
呼君驚起雙春鋤

楊二檀

撫字安世遺詩帖

湖山豈爲癖烟霞翰墨流風亦足嘉獨羨文孫述先德
鄭公遺笏幸傳家

愛水

愛水恩波懣悔遲一生噩夢不堪思意中久作無家影
欲踏雲山覓本師

明月團圞絕點塵無端幻作鏡中身東風自綠瀛洲草
多事游人愛早春

寄吳木齋麻城

將軍之暴令公怒將軍之功庇州閭兩虎私鬪古所戒
願公遠法藺相如

山中

疎雨寒生旅店燈平明仍作打包僧竹簍棕屨鴉山路

一夜霜華結作冰

姚村西南歷老虎獐子伏獅青苔鴉山塘黎六小嶺共二十里路皆坡陀

有佳茗佳餅人情亦樸

叢篁不斷夾幽谿嶺上鷓鴣隔樹啼賣餅人歸春日午

焙茶香到路亭西

鷓鴣山餅極得名也

枳花歷亂夾薔薇木杓初成覓渡稀行徧綠陰聞爆竹

僧雖分得社錢歸

舊傳海水淺蓬萊又說昆明是劫灰此亦桃花源內路

漁郎深喜不重來

雙松閣詩

東野苦寒玉溪隱涪翁排冪後山新瓣香留得雙松閣
千古詩人有德鄰

兔首豚肩異餽飮誰人親侍草元亭它年上座開堂日
妙諦拈來此甯馨

上乘庵

古木茅籬曲澗西門前苦竹鷓鴣啼欲聯沙社從君住
累卻黔婁尙有妻

口號

遠山一縱復一橫山中獸馴雀不驚

皆實錄也

佳人在在

空谷閉門織箔不聞聲

高渭川死事冊

春日昏昏鬼馬馳泰山錄事語離奇一周厄運權輿此
莫怨將軍盪寇遲

就死惟偕義僕謀此時何暇計千秋階前八甕無多水
卻是昆侖最上流

誰放紅巾過嶺來平原敗後角聲哀若爲留得虛堂在
尙使東方話劫灰

明牕苦閱三千牘夜室沈寃億萬身今我安禪爲說法
桃枝久培養癰人

題泥中人卷

緯蕭賣菜亦天民
奚事泥蟠逐世塵
可惜干戈天地滿
無從與結孟家鄰

楊葉洲

夜泊荒江古驛頭
驛前打鼓迓歸舟
蘆花不解欺孤客
卻逐西風送白鷗

駭聞

葱龍庭樹欲凌雲
鳩拙鳩仁本不分
何事寒鴉心最險
高枝纔上便呼羣

祝枝山書宋四家卷子

徧參知識行南北
恨未西尋祇樹林
偶向它山逢上座
得瞻十一面觀音

金壽門醉書

右拈秃管左提壺細雨蕭騷旅興孤
留得裁縫針線跡休分紫鳳與天吳

卽事

矮屋茅簷絕點塵好風忽送一枝春
亦思學作青衣賦多事張超解笑人

扈蹕圖

代

羽騎明分總六軍先皇講武布風雲
岐陽獵鼓千秋壯親賦攻同卻讓君

湛恩穠浹塞門春祇學長楊賦朔巡
誰識先朝甥舅誼半緣獮狩半親親

蔥蘢萬樹擁山莊
詞客期門盡急裝
留得聖人培植意
日碑家世本名王

上谷藩封接定襄
賽音一部又親王
於今唱徹伊涼曲
尙想天驕助朔方

周軍門眇一目圖

代

虞山喋血戰袍紅
开拓江南第一功
道上豐碑記名姓
軍門家世本湘東

礮火狼烟照海隅
喧傳大帥定吳都
勳名畫入凌烟閣
拚作彎弧審固圖

妙才碩畫駐征驂
軍事民情一例諳
欲識將軍遺愛處
杏花春雨滿江南

東南半壁洗琬戈
猛士閒吟敕勒歌
申息北門狼虎滿
請君英眄定荆河

聞六合劉某之喪

聞君來自黃金臺
劇辛樂毅安在哉
可憐江上死馬骨
日暮愁聽畫角哀

高樓

高樓東望楚雲平
花月難忘白下城
今日江南詞客盡
傷心誰是庾蘭成

陶尚之小照

胸中一事不帶芥
眼前九流供歛歔
向晦嗒然旦莧爾
不知果蓏與癰疽

張儉卿小照

長安四月花亂飛長安陌上行人稀
珊瑚七尺珠一斗留君不住君亦歸

題放舟圖

長江不浣胸中塵白驅寒盟背向人
眼前無風莫放溜勸君姑醉村醪春

駭浪驚波險一時落帆下碇長年知
近來徒步沙灘上閒借漁家短笛吹

塞下曲

黃雲漠漠隔交河牙帳潛移草地多
一帶鈴聲沙磧晚獨吹羌笛引明駝

幕府傳聞斬谷蠡平明金印下丹墀琵琶忙殺涼州伎
笑賀尋常帳下兒

贈歐陽慎

喬木美箭夾清漪有秦漢書古鼎彝脫巾散髮茶鐺響
彼何人斯焉取斯

虛堂燈昏涼颼淒絡緯促織以次啼下階步月梧影碎
銀河西落如簷低

成都舊有君平肆涪水誰從郭玉游我爲不能徒自愧
年年橐筆事諸侯

賣藥

賣卜猶須閱九師不如賣藥易神奇卻愁久住長安市

名字終爲女子知

薦賢

薦賢古誼本公忠驚聽繁聲滿殿中
一任高才似雄白無端悔煞宋司空

銀漢

懷吳粟生西陵

桐露初零絡緯啼虛堂延望楚雲低
若教漢上生葱嶺不放河流日夜西

乙丑十月

昨夜嚴霜葛屨寒禿鷺春鷺共凋殘
松陰偶見梳翎鶴始信人閒重羽翰

游仙

言一四
殿外期門幟尙紅已傳豹尾出同中武皇自謁西王母
底事銀河不向東

乙丑十月二十二日

白雲無心偶出山西風惡浪使之還舊時猿鶴皆騰笑
輸我寒巖鎮日閒

春柳詞題盛杏孫照

宜風宜雨又宜烟三月春深始脫綿今日洞庭波已動
染衣消息待明年

陶公三徑碧森沈前日蘇隄祖德深聞說官衙有長物
一肩書籍一囊琴

濯濯風姿絕點塵微雲釀作十分春他年植向靈和殿

定有清陰蔭萬人

久將搖落感金城太液恩波隔萬程卻視故人依上苑
勳名好繼武昌營

洪海如

福抱研圖

日月重光井里壩羅含舊宅近何如甘瓜苦筍梅溪路
好結團蕉寫道書

贈傅彤如

彎弧騎馬歷龍庭孤負華年兩鬢青頭白歸來江上寺
爐香秋雨夜談經

題扇

寺前春雨漲回溪溪上苔深楚日西童子抱琴僧拄杖

滿山苦竹鷓鴣啼

憶鄂渚劉園

昨宵明月忽東風今日朱樓細雨中雙燕特憐園內杏

一年幾日稱衫紅

往者湖北省城內有劉園劉死塋已象於園若土神游者祈晴雨有驗焉

地在草埠門桃花嶺

湖石生苔樹著花金罍玉笛駐香車歸時各有來時路

莫問門前噪暮鴉

東郊風景是清明著屐乘車各出城我勸社公溫社酒

爲誰陰雨爲誰晴

黃鶯調舌燕操泥鸚鵡留人畫棟低同是天生好言語

不須文彩似山鷄

劉市井人不解文宇

自題扇背

蒙被嬌啼久，愴神蘅蕪無復漢宮春。
不緣寂寞飛廉觀，渠重西池戴勝人。

內視功成下九天，傳聞儀態幻雲烟。
浮邱在左洪厓右，復駕青鸞訪偃佺。

鳳臺簫歇夜鐙紅，池館櫻桃怨晚風。
昨向東廂逢綠幘，知君家有主人翁。

柏寢銅盤事有無，自誇位業應眞圖。
那堪受盡新垣詐，更看將軍佩印趨。

朱鳥窗開阿母留，爲言桃實已千秋。
君王畢竟輸臣朔，兩度親從海上偷。

青鵲傳言未有因
猗蘭小閣聞珠塵
武皇早識非仙骨
已把金莖賜侍臣

上元書籙譯遲遲
鳥篆離奇總不知
一事令人慚穆滿
高歌黃竹到瑤池

陰道陽方兩不成
惱公空自爲吹笙
仲舒未第公孫老
留取他時賦漢京

悔翁詩鈔十四

終

後學江甯

程士琦
張傳仁

校字

悔翁詩鈔十五

江甯汪士鐸

方俊民問近況

身外事皆無櫛柄世閒人豈有畦町衰翁飽飯何功課
閉戶澆花讀內經

讀金元人詩倣元遺山論詩絕句

代

萋宏碧血到圖書澤雨恩風作頌初借問當年蘇武節
三韓天遠竟何如

宇文虛中

天上春來韻獨工夜寒茅店妙無窮至今三復東山集
不但雲山似婦翁

吳激

百年樂府並深州潁上淮南紀舊遊喜有佳兒傳絕學

水經史志盡千秋

蔡松年

篆法斯冰有替人放懷山水更清新不緣詩句如陶謝
制誥文章已出塵

党懷英

禮部聲名天北斗憂時感事鬢絲深可憐竟以詩文掩
忘卻宗臣愛國心

趙秉文

談鋒一代莫之先經史文章壓古燕留得蘇黃評語在
不教嗣法作真傳

王若虛

少日南陽作酒官北歸顛顛入黃冠殘衣竟歲無人補

孤鶴西山獨往難

王元粹

天馬行空氣象孤峰巒青翠插平蕪都門一作哀涼甚

何止風流繼大蘇

元好問

樂府饒歌漢魏才新翻變徵有餘哀千秋老吏推虞集

廷尉堂前斷獄來

虞集

玉佩珠璫蔭翠旗時花濯露折枝枝穠鮮耀豔超同輩

清廟明堂豈不宜

隆天錫

金粟山人品最清轉因纖巧得時名齊紈越布衣天下

何必江妃錦過輕

顧玉瑛

傅粉塗脂被綺羅一時書畫溯鷗波不應都下稱三絕

稽古偏忘麥秀歌

趙孟頫

偶感

共攜尊酒短亭西愛聽遮姑惜馬蹄莫向長隄折楊柳
春風怕說杜鵑啼

楊柳枝詞送吳甥立生遊晉

河隄草綠正春三柳抱郵亭拖蔚藍幸有畫梁雙燕送

曉風殘月去江南

陳念劬與同行

昔年驅馬游大梁鞭絲帽影官道旁汴隄無客吹葭管

卻把河干當故鄉

言昔時游梁事

室內君多黃口兒無衣無米復何爲秦淮舊例多楊柳

莫管春風管別離

新亭亭父老無事自折楊枝種後園柳絮渡江園又廢
者同相見幾人存

漫題

削平禍亂賸荒城欲訪田廬路不明各有傷心千種恨

畫工雖巧繪難成

自題

亂後榛蕪有敝廬
褐衣疏食樂鶉居
荀卿到老攻詩賦
那羨臣斯不好書

東花園有感

當年華屋已山邱
取酒吳姬盡白頭
日暮閒階飛蛺蝶
無人行處是朱樓

薛慰農先生杖挂百錢圖

胷中涇渭床上下
眼底龍蛇歲詘伸
買醉買山公事在
江河萬古此前津

都人誤認孝經師
太守風流眾不知
我仰高山未修謁

懷中刺滅定嫌遲

無題

才過揚州又兗州
談兵說劍徧諸侯
那知珠履三千外
別有人間馬少游

烏孫大道過伊涼
細馬明駝總急裝
莫怨東風能作劇
桃花輕薄柳花狂

當筵

當筵雄辯說三才
兵甲森嚴武庫開
除卻劉輿能賦物
何妨東海是金臺

濟大事須除客氣
交隣國首不妄言
多君不學景延廣
與波上下苟自存

誰移荷植太華巔開花十丈豈其然雖幸不曾呼作柱
終恐槐市霧如烟

黃老術全曹相國功名晚節非本心白楊蕭瑟狐兔走
又覓雍門聽鼓琴

許鄭程朱第一籌蕭曹衛霍亦英流祇知釋勸勤三復
此是愚夫百尺樓

羊胃羊頭氣味存爰居聽鼓鶴乘軒子與貫作諸侯客
宜笑於陵老灌園

與胡恆新話昔游

雛僧縛箒掃紅葉病鶴驚人上翠微記飢栖霞西閣上
松蕈鮮脆竹萌肥

論詩文

範水模山豈易逢
葉公況未見真龍
於今學子論文獻
誰是東萊呂伯恭

太華三峯戍削新
翠連關隴壓河津
涪翁合作西江祖
多事虞山撼樹人

效玉溪生戲題

當家衣鉢薄蓬萊
汴水枯楊手自栽
日暮飛花滿門巷
終朝低首掃蒼苔

歌院喧傳乞食聲
蘇張辨口誤傾城
尊前半臂肩難卸
冷殺修書宋子京

素風不厭祗園貧
瓶鉢蕭然般若身
那識影堂執巾拂

卽爲啗點阿師人

效義山紀事

畫轂朱絲白面郎同騎竹馬繞球場若爲路見雙黃鵠
莫道他年化鳳凰

傅粉施朱謁後塵掃門漫遣相公嗔分明女伴傳嬌語
嬰武籠中解笑人

野鷹從不下金鞵百尺荒臺漢水秋休爲大牛問芻豆
曹公昨已入荊州

誰遣烏銅作素屏被人偷見兩眉青方平已老麻姑少
好道於今屬蔡經

自題寒谷菴圖

雪海冰山住許時誤因聞見墮支離於今求得安心偈
深愧三峯樹火師

蛇鼠紛紜得幾時不能運坎去填離卻愁世有邢和璞
知我前身是永師

代芝生記夢時大府禮聘芝生專司名法芝生將
去鄂垣故戲題其揚州夢傳奇

海上樓臺畫裏山無端噩夢到柴關漢皇自愛西王母
那識雲中有阿環

媿殺牛衣與練囊廿年心事淡浮雲蘅蕪懷盡秋宵永
妙術今無李少君

排比千支過畫橋周秦虛演漢唐嬌卻因楚客工詞賦

始憶前身謚玉簫

碧雞坊裡見無雙
楚舞吳歛雨未降
白馬不來黃棘死
哀蟬落葉永陽江

頗笑燕齊夥謫仙
棗如瓜巨藕如船
裴回汶上荒祠在
留得前賢閔子騫

霸陵不見挽車人
電火仍留劫外身
襄野迷塗初返後
秋鐙通德話蘭因

清秋月下見羅敷
借問民間有故夫
松影石壇風露冷
漫移香夢到江湖

春過天台萬樹花
未逢劫運已蟲沙
再傳師是窮禪客
隱語迷離作楚些

陶尚之獨立圖

簡練揣摩君酒德緣循困畏我茶經鼃鼃莫莫城南路
俱是江東處士星

漢宮怨

悔畫雙蛾妒寵心玉階露滑碧苔深後宮十四原多位
不費長門買賦金

爲容何必果如花猶傍昭陽近日華不見自矜顏色好
琵琶萬里怨龍沙

鄧完白梅石君石交圖

石如山人介于石石君先生淡如水世情翻覆作雨雲
石不能言點頭耳

聞某觀察事題對鏡美人

彩鸞對影目無人惆悵兮而私自憐一樣蛾眉千種老
願卿珍重百年身

自題

寶其鱗爪棄驪珠非祖西江祧大蘇一鉢一餅一巾拂
旁人誤認翬浮圖

感物

落葉畏風甘赴水孤雲背日懶還山蓬萊兜率無歸處
仍在書林畫苑閒

陳松泉司馬畫冊

舊傳指下十三聲銀甲當樓按拍明聽到換頭哀豔處

寒蟬疎雨豆花棚

階下碧蕪雙屐雨屏閒青裊一爐香
姬人繡罷憑欄立閒教嬰哥咒海棠

玉樹

玉樹青葱月影明九天雷雨滿江城
鳳臺如舊秦簫遠燕子呢喃話不清

久聞

久聞萬里有長城年少紛紛尚請纓
欲勸河南尹師魯著書談道莫談兵

投營

樓閣玲瓏事有無清歌空用百明珠
那知方朔偷桃後

祇贖仙人五嶽圖

捐納

西望瑤池百尺高從官同此醉仙桃穆王自是思王母

豈爲區區八駿勞

保舉

坂走銅丸馬注坡旁人駭殺魯陽戈上方一霎雷霆散

尚有夫人隔絳河

簡放

詠鵝

謝家池館鷓鴣飛欲解黃冠着縞衣除是會稽王內史
能收筆墨喚卿歸

半李誰分井上甘於陵生計在懲貪春江水暖卿雖識
卻繫清名北斗南

周君召飲

咸豐四年甲寅

周君拄杖來作別分我西山一把薇中有黃農虞夏淚

啟緘簇簇浣征衣

周蓉臺改字薇初饋子鹽筍周名肇元王子孝廉也○時子將之績溪

張生

沂字次惟

循循猶執禮余子

長青字古芸

鏗鏘好說經今日

清尊一揮手東西七十五長亭

題尙仰止明經

兆山

藏王瑟雲

建和

問津圖

琴書灰盡一身存頭白歸來雪塞門

同治三年

如解賣文兼

賣藥天涯何處不桃源

藜不能蒸飴作糜一竿虛號釣魚師桑麻雞犬人閒世

媿我癡頑莫可醫

朱簾

朱簾才卷便傾城贏得教坊第一名空學琵琶無用處

月明東內只吹笙

藕絲衫子佩明璫鏡裏朱顏在斷腸
昨日上陽蒙選入紫袍復學內家裝

絳河迢遞隔晴暉遙羨雲中白鳳飛
借問上真今日服雙孫文履五銖衣

上林游獵本尋常豹尾分明御幄旁
十四漢宮齊入侍承恩不信只昭陽

興慶宮牆接夾城秋宵誰效接歌聲
眞妃別有霓裳曲多恐人間學不成

題王文成答羅整庵書爲孫澄之作

後來格物重淮南萬象依然太極含
莫詆姚江傳習錄庭前柏樹已深參

題徐俟齋清流種卷子

卷藏翁
鐵梅處

天平虎阜兩祠成
居易文章繡梓行
誰識空山風雨夜
窮交三五葬遺民

悔翁詩鈔十五

終

受業江甯翁長森
外孫上元吳華慶校字

悔翁詩鈔補遺

江甯汪士鐸

釋迦

釋迦以文名知才不經世設諸詭譎詞乃爲乞食計無
競在能忍靜極自生慧智仁完其身非果能普濟惟其
心性學深微極無際歸功在慎獨克復並鉅細終以貌
異儒功修足流弊

秋氣

秋氣來方微小蟲悄然懼知肆肅殺威動植失故步逃
居士室中呼儔警霜露非敢惜賤軀恐誤逢公怒運會
有王伯椿菌異旦暮松貞柏始悅皮去毛安傳君毋出

籬落妄意館餐遇

有感

浣紗越溪女共羨施家姝豔裝出宮殿苴布隨陶朱此
身輕柳絮尙值一錢無古來重好色偃蹇更數夫
皎月出東斗清光隨所之一爲碧雲蔽彩色皆數奇大
已遺江海穢乃逐污池素魄尙受咎君子無飾辭

耆欲不在大皆能困吾身樹伐猶有蘖鏡明原無塵聖
賢言克已視聽存其真耳目自塗飾安能期歸仁
百年期有盡湛樂先去甚三命異生初庶類安其品貪
得誤在梁懷音已食甚幸辭漢川佩好夢斷孤枕
少懷絕俗志期望在千載寸心完太素有目不視彩同

育宮角動相累蜺雀殆爾室雖無言門外若爲待快意
僅毫髮取禍過菹醢兩臂重天下無咎存乎悔

陳雨生後湖秋泛圖

涼飈雕春妍清流照晚翠鏡虛潛鱗泳粉消餘馨墜蕭
然烟水外未虞羣賢至觥籌雖錯陳咸裹辟燠意殘荷
無媚情疎散態各異同此抱苦心遲莫卒莫易始知君
子德不以老見棄

黃羊

此沛上所聞也

黃羊有力奮黑羊角才拳黃羊墨自語眼見殺懸飛上
天黃羊化老婦祀竈禮數虔黑羊能生羔作裘祀蒼玄
抑或產肥羜醢酒諸父筵播羝計較審恐其觸藩致罪

愆開牢使之去墳首誠可憐我更憐鄭伯才拙不解左
右牽搔首追感叱白石悄悄往事成雲烟

觀音堂

遙投招提宿夕陰起松檻僧孤清磬疎竹深涼露滴籃
輿驚棲禽園蔬煮亭懸臥對一龕燈光照八方寂

讀書

讀書貫古今於時觀其通名論豈一致兩端用其中毋
若宋梁人治書受困同

見韓非子
外諸篇

襲六可爲七誰繼羣

賢風

西來庵

初曦淡林烟人語出深篠陟巘得幽棲竹房曲窈窕主

人停素琴導予坐清沼仰窺巖石危頰眎洞壑窅中厨
烹山蔬粥香度木杪朝饗飽我飢加羞二芋小閒雲相
送歸僕夫伺林表

無題

糠覈尙未充君欲備諸衽謂以天孫尊心噉所不禁一
寸芳草榮百年樛木蔭至今乏豚犬實余貧已甚如何
介推妹弗繼孟子任河東吼方厲江汜語宜噤餒而哀
鬼神同此殄祀讖

薤露

久次蓬山頂累清柳塞塵黃金鋪舊埒白壁遜前身高
瞻攄遠略廣步據要津風雷叱咤變華靡左右陳張范

桃李客丙魏葭莩親天眷孚一德臣節欽四鄰哀哉薤
上露年甫滿三旬

爲蓉艇題美人二十四首

閱徧漢宮色苦無當意人偶對一奩玉猶詡十分春忽
焉脂粉洗自窺面目真始知傾國者妾兒非其倫

對鏡

無心效時世着手卽春妍有若經綸學能參化育權薰
修功苟至色相迹宜捐性海自瑩潔湛然孤月圓

簪花

志偶寄山水非敢矜高深賤妾豈獻技夫子真知音興

與么弦絕趣隨明月沈會當碎此木還我太古心

彈琴

小庭才一丈種此青琅玕爲近君子德雅忘衣袖單高

音中金石清影捎鳳鸞妾本抱冬心與君守歲寒

倚竹

肥瘠歲不同舊貫何必改勸卿莫輕剪剪斷恐中悔念
彼寒女機杼軸有光彩予手幸得之良工尙稍待

裁衣

鷗波性側媚待詔加纖弱此不宜須眉或可施閨閣
閣有大戒十香與十索卽如同文錦亦切莫妄作

寫字

畫花須畫月畫枝須畫雪月本晶瑩姿雪抱冰霜節閉
門甘忍饑與汝共清絕點點更圈圈俗工所傳說

畫梅

成敗在事後未諳當局難彼此俱國手我且壁上觀天
困以才力勢遂轉危安慎哉一着錯旁人心目寒

觀棋

寸鐵卽殺人所殺能幾何屢赦而持法止殺所殺多項
莊技誠工不及酷吏苛勸卿勿說劍且學法律科

舞劍

昨聞總楊柳今又落梅花知君愛秋色亦復憐春華予

聽龍吟曲倚樓長咨嗟山陽雖已歸鄰人無幾家

吹笛

此會百爲息所見皆虛空墮落諸境趣情與身受同欣

戚恩怨理俱出感觸中間坐悟生防十年徒粉紅

春睡

卿見人而言幸人能喜之人見卿不言恐卿能學之卿

以言自囚人敢不鑒之哀哉秦吉了竟敢再蹈之

調鸚

巧者跌之兆高者危之機世人贊其捷君子以爲非不

如立平地掠鬢整銖衣舍身娛人目卿宜慎於微

秋千

醉心在金粉過眼俱雲烟旣爲紈扇撲又爲櫺檣纏不

爲花底活何以墜業緣空園有蟬蛻卿必不云然

撲蝶

蛟龍不受餌可餌只魴鯉所得非所期雖得不足喜所

得過所期得之憂懼起巖陵能自審不妄思渭水

垂釣

燕樂無柷敔藉此調笙簧妾心自慎誤本不爲周郎一
倡再三歎聲曼韻益長吳音乃爾爾非以節伊涼

拍板

巧不貫鵬羽很不射虎狼近日弧矢威多在脂粉場金

翠志人目笑啼裂人腸君若辟利鏃燔須歸空王

射箭

持律苦束縛求法原艱難不如習禪靜坐臥一蒲團心

若秋月寂氣如孤嶺寒一燈質古德無言契如蘭

拜佛

羊腸旣至險蟾魄非常員早知妾薄命悔與君周旋高
卑所處地炎涼所值天侍兒休乞巧巧極生人憐

乞巧

非關愛春色尤非現娉婷天地生生機萌芽一縷青它

日薰猶氣幾人長短亭穠華易消歇漫詡讀葩經

踏青

放眼觀宇宙自強在執持歆邪本不可攀援更非宜少

習曲臺記今親君子儀矯矯如泥塑益顯嫵媚姿

獨立

妾有傾城姿更有曠世度逮下本有恩爭妍豈所妒玉

階只尺地尊卑懍禮數莫存奪嫡心君子慎同顧

並立

心香爇一瓣拜月下蘭除祝月常團圓桂影無盈虛怪

月太廣大照人無親疎如卿私昵語不若爲鰥魚

拜月

紅欄一十二窈窕巫山峯莫謂攀附巧偶爲時地容要

支遮面面花影壓重重此會有曲折人生幸一逢

倚欄

邢子膺世銘之兄世鏞硯

伯氏羽化硯則存閒關兵燹濶以溫仲以因子嗣厥臯
俾力茲田不素飡尙永保之子若孫

題陳寶森

兆書

遺詩

元龍豪氣樓百尺直道敏行無諾責天生切運忌端人
卻向鳳鸞剪羽翮才高命蹇青氈寒偶經壻水迦河干
飛鴻已逝留爪跡珍重子產論嚴寬綱紀潛移文武儒
明年盜起江城破大賢卓識懔萑蒲果待星周方表賀
吾友仁者鄧守與包興搜訪先澤完白山人及慎伯先生所作字如菁
茅陳君門子又若是辟擲簫琯調笙匏道人晚年發深
省德機欲杜筆硯屏悔餘狂論滿人閒山寂潭空月留
影

謝獨山莫君善徵

祥芝

延訂孫文恭集

淮海先生孫應鰲也

文恭自信堪爲師關中石墨未見之孔門家法首言學
師堂必自弟子基識大識小漸一貫範以經曲嫻威儀

歸仁何在在復禮緒餘陶鑄英賢姿不其河汾兩衣鉢
秦州伊洛皆宗支儒官持法課文字身教言教原分馳
餘姚勳名重南服天泉傳習拈良知文恭私淑再傳後
秦蜀愛戴嗟來遲君家昆季敬邦彥搜羅圭璧全無遺
更言不朽有學孔編示萬世非徒詩眷言煢獨硯田薄
俾於暇日從事斯江東連年旱蝗甚若問米價量珠炊
同時逐客凡八九神通變化游天池老無問字誰載酒
泌水未足癯朝飢古人一困肯指贈下走蒙此慚非宜
炎曦鑠人把卷坐不刷黃獨能鋪糜

陳桐川饋西施舌

亂世有美忌矯矯負異卒與禍嫖嫖詩戒長舌書司晨

西施無言吳亦沼樹梧未必勝苾蘿采香未必如虞夢
姑蘇臺圯泛五湖笑殺浣紗諸窈窕無情最是陶朱公
問卿頗解憶甬東此身化作西窗燭擁髻嬌啼徹夜紅
又饋女兒紅林禽十二枚

陳甥哀我老禿翁貽我十二女兒紅三千鍾乳豈易得
惕然垂戒思蜜公堆槃赤柰形礪礪金錯擘開玫瑰采
點湯新瀹龍井茶味勝雪梨氣蘭茝山妻老病髮不梳
施朱敷粉功久疎得此日佐魚蟹眼能療半月渴相如
汪麗川饋佛手柑

柑未經霜色尙綠碧玉約指互拳曲爲我朱絲懸帳中
瑟瑟疎香祛塵俗昔年八月選佛場參透如來是金粟

同門分得一指禪我荷金光乃九櫺往年存者病頭陀
背偻目眇足復跼巾拂餅鉢俱喜舍尙抱殘編未脫桔
何時亦若梅子黃文字一鐙差可續

胡昭甫送黃蘗山新茶

渴如霖雨得灰止興如涸鱗得水起窘如貧人得財喜
况色香味淡肌髓徹山支曰黃蘗山終年雲霧封巖關
排空百里積青翠啼猿卻步鴉飛還春來雪霽沃烟雨
高崖崕嶸爭開顏就中芽茶更脫穎旗舒槍突森班班
胡生好事爲攀摘寄到冰霜太古液鉤唇棘吻甘始回
儼對五峰老仙客

五老峯山旁支也

南望君宅隔丹霞報君文

集題永嘉

葉水心薛季宣及二劉集計十二冊

秋林葉落打老屋君自讀

書我煮茶

謝莫君善徵饋新龍井茶並日本人刊輿圖

屢欲乘桴作海客十丈紅塵阻雙屐今晨忽得良友書
餽我雲腴腴圖籍龍井春早焙僧房青瓷淪出西湖碧
蛛絲詰屈三尺方測海鞭山縮地脈千金易致二美難
勗我覆簣兼漱石荒園蕪穢力不除和璧啟櫝光茅廬
湔腸滌胃頌惠政遠感異域來飛車

贈至真全真

淨名道院有仙客佛心儒行女官裝元君借與冰雪骨
唇朱眉青眸子方手揮塵尾玉一色神靜以穆氣蘭芳
竹窗窈窕晝朗爽翩翩風舉霓衣裳鐸冠霞帔弟子侍

拈示妙義超列莊谷神不死在慎獨精神內斂它勿詳
睹聞戒慎功勿倦怠息綿綿同丹房星辰夜埃法壇肅
自然陽氣凝繩牀少微隔簾亦諦聽音妙鸞鳳調笙簧
龍虎不動藥苗長千歲蝙蝠窺雲漿爲飭雷電下追取
謫居雪嶺三千霜同院有盜其金者爲告有司逐去之遂謝徒侶欲超舉
改參內典皈空王鰕生夙昔仰宗杲氣節頗慕無垢張
請渾孔墨互師友湔我名利塵腐腸拾松煮茶飯麻實
蓮漏久盡參斗涼虎溪遠送屬珍重願隨鴻雁東南翔

李小池壯游圖

富媼吐氣堙謫恢運會特爲中興開創闢草昧化榛狂
豈惟后牧皆奇才月卿星使下霄漢敷文不爲金銀臺

東西追逐日出入駕鰲四足驅風雷要使鵬翮九萬里
刮磨鱗介湔塵灰應期崛起二三子招搖轉指隨斗魁
目空伯益隘章亥鼉鼉梁穩輕龍媒非常怪事古所少
百靈嘘吸由三台馮夷擊鼓蛟女舞仰慕堯德欽翹材
青雲干呂海波靜好圖王會共球來

石佛庵茶亭晤眞菴上人

鴉山鴉山張丹屏其東茅庵松架亭天矯瘦蛟蛻留形
伐毛猶帶江潮腥道人髮白龐眉青煮茶飲客親洗瓶
早年破夢超塵屑師門孤負涕以零道人常敦文生受知姚文僖公會
訂蒼雅窮葩經傳金壇派燈熒熒舊雨不來嗟晨星敝
帚自享紅蟬馨與余偶聚風中萍代謀呵護邀山靈筭

言不遠
九
興健力爲久停堂下深喜天龍聽

戲答友人

伯夷柳下夢坐獄商君韓非判直曲薇蕨盜取未輸錢
身非黃門必污辱爰書朝上丞相斯夕下京兆先桎梏
髡鉗已就三歲刑城旦何嘗百身贖兀者蹠蹠趾先斷
點爾疏狂濕受東道人雖老亦懷刑昨因祭墓出郊垌
輿中閉置若新婦張目偶見方山青冥思乘此覽九野
瞽師洞見聳丞聽旁觀告密上其事皋陶不肯爲道地
山川風雨盡左證神知無辜屬之吏菩提援我大慈悲
於五戒外增一義乞食晏坐勿出遊南山有律本無字
犯者罰墮世情隊世尊顧咳詔如議半畝小邱新綠翳

草堂復列千縹緗法當守此莫亂出白蜨一雙監匡床
子兩三年來頂髮不滿百莖而交五更
卽不能睡至行步盤蹠又其共見者也

二豪

才色在人本非福女必宿瘤男散木曲亭小飲俯河壩
客話二豪皆世族雲窗霧閣多麗人吹笙偶現飛仙身
宵深騎鶴自沖舉餘香猶足嬌青春一豪翩翩五陵客
裘馬薰人誇世澤千金期買半夕歡一蹶忽由萬言策
一豪糾糾耻爲儒起家趨走攀茭芻手擲巨橐直百萬
翠玉彫佩明月珠石崇王愷競豪舉各有叩驢作心膂
鳩媒巧語以幣交壯士恃強將刼汝麗人乘夜逃河干
一舸載月烟水寒誓完絜白洗脂粉甘執樵汲燔綺紈

閉戶十年拒狂暴
矚然自礪水霜操
二豪禍敗俱籍沒
國法森嚴徒媚竈
落魄偶聚旗亭中
縱談往事雙眼紅
妄思蹇餘可合并
忽謀篡取同春風
天道惡盈懲始禍
博徒竊盜牽連坐
鐵鎖琅瑯入岸牢
官符所下如星火
二豪以才富以鄰
麗人以色幾風塵
始知醜拙乃大幸
超然物外全其真

茹麻嶺

達摩攜履去
呂嵒飛鸞臨
必露神奇跡
俱非道者心
閭方不靖
怪誕懼相尋
卽欲談元妙
道安與道林
時危知好士
畫戟啓轅門
無奈書生識
難酬國士恩
平生卑管晏
末路媿金元
今日彈冠者
徒誇一劍存

大夫先倒屣
郎將善摸金
巧試魚龍戲
真呈狗彘心
脂膏羣飽橐
黨羽竟焚琴
昨暮登高望
流亡淚滿襟

魚亭

暮色迷山徑
寒雲凍幾層
雨中僧院磬
河外酒樓鐙
販婦羣舂麥
舟人約鑿氷
與夫爭薄絮
小榻折紅藤
謁食魚亭麥
居人戒起遲
山雞蒸玉醴
海燕遜銀絲
白泛鄉村釀
紅翻野戍旗
行人方調笑
老姥數錢時

謝甘竹生饋新舊唐書

光緒三年丁丑十二月小除日

西湖一千里
歲晏發雙魚
復次雲中鶴
分子乙部書
沈

鈔不可得岑
板亦焚如今
夜滄江月虹
光蔭草廬

曾文正贈

蔣寅昉云虹穿古屋藏書在龍護歸舟渡海來

題焦尾閣遺詩

戊寅六月三日

孺人

王盧氏黃巖人

性賢孝況乃富文詞日下金閨彥

子某庚午舉人

階前玉樹枝履危

咸豐十一年避寇山中作

時一晌流譽

令子將壽

千期雜誦嘯山傳

張文虎爲作傳

談天

言天不以貧富夭壽禍福人也久矣夫

可疑

問月

絕憶春明日禪堂謁客譁時方河海晏師慮雪霜加圓

缺數久定盈虛理未差謂予如死霰且早樂烟霞

記得如圭事明明可掇之團團猶異日離別在今時朗

卽千潭印修非七寶宜平生無好夢占不到常儀

皎皎正盈盈艱危同在城蝦蟆不能剗顧冤枉含情北

極雖佳氣南風多死聲
鄜州况獨處何敢結芳盟
借問月何事江涯復海涯
遙人永別秋冷我無家
靈藥卽不死天香空着花
銀河方在近誰挽洗兵車

悉率

悉率古良士故多身外憂
難禁天地肅敢爲稻梁謀
落月屋梁冷么弦曲巷秋
寄聲小兒女久已役車休

四月八日五更紀夢

庚辰

亂山翳殘雪初日下疎林
獨歛壩橋水獲聞石磬音
瓦盆偎火煖草薦屬窗深
境僻自岑寂道然養道心

工程局新得顧東橋墓誌文待詔書也

同治六年

故家文獻餘碑版大匠磨礱備戚平
豈料爨桐逢特賞

同刻隴蘚有餘情
籠烟浥露簪花格
戛石敲金擲地聲
從古江東少人物
嘉隆已往只先生

汪抱虛山人

績溪人字介堂名士祺

一時篆刻嗣停雲
跳虎蟠螭赤白文
高節久推深竹里
君居村名愈人又見長桑君
銘留茗椀期雌伏
眈到芝英曠鶴羣
君諱子茶船刻銘相戒又贈子松芝欲向六都尋舊隱
微山迢遞阻清芬

汪梅軒客死華陰

鏡清績溪人

道氣溫溫德有餘
令人不可得親疏
家貧妻子真成病
地隔關河莫致書
荒隴幾時來大鳥
故交從此泣枯魚
勸君休怨花燈蠹
瓦礫消條失井閭

君家爲花燈所破乃就館關中也

汪惺吾同年

維城宿松人

玉堂珥筆虛前夢作健殷殷急請纓乃以租庸虛夏稅

遂捐冠紱欲春耕蛟龍已感留三板

謂守松滋事

麋鹿難還

痛百城

君自劾云與其爲戀棧之鵲蹄不若爲還山之麋鹿

昨向迎風深巷過寓

錢飄泊晚烟清

閱劉孚翊

伯鶴

與其友書

師兵營衛軒皇業儒釋仁柔信太偏十六相

同文館

熙虞

帝載二三策蔽武成篇

首載國書

公岡豈繼結繩後

字母

金火

真窺演範前直賴夷吾在江左尙容平子賦思元

甯夏圖

漢唐宮闕倚關中河外三山朝燧通英主竟成靈武業

將星惟賴朔方功
陰山放牧牛羊壯
北假屯田黍稷豐
獨對殘編思地利
賀蘭氣象古今同

向張二忠武公祠

功名成敗緣時數
公議於今尙在人
西蜀將猷思向寵
北江威略重張巡
屢持籌節忠謀壯
再蹶霜蹄戰血新
野老相逢談往事
一杯明水薦溪蘋

有感

提囊握算謁諸侯
分得餘光預勝流
輸與一新深井里
市廛徧列大航頭
催來博進盈千貫
借到叢神已八秋
添得湖湘今郡望
歷陽先隴久荒邱

六張

謂太倉叔渠師震澤周甫廣文平定石舟明
經上元容園江甯子經兩徵君南陽儉卿上

舍

友誼師恩那敢拋井閭亂後幸誅茅嗜痴味外別有味
如水交原不濫交遠道三千多旅食守身六四矢坤爻
故園今負芹蒿願拚與時人笑繫匏

汪從吾

維城

解組回里

辛酉

其魚纔免去邾城宦橐蕭蕭白髮生身返河汾成大隱
名盈溝澮是虛聲蜚鴻滿野倉箱罄林鹿還山印綬輕
賢者去留關氣運爲君太息未能平

君以迂濶
挂吏議

追悼松崖全家自焚殉難

成仁取義賢人事今見吾家老畫師呼籲地天餘桂樹
提攜妻子並楊枝未嘗鑄錯心如鐵每欲從軍鬢已絲

我惜江淹才久盡竟無佳傳報君遲

深喜

深喜疏花綴柳林一千里外識鄉音
鱸瓜蠟李同時苦芻狗茅龍銜俗心
春夢不離慈母竹秋河自急女嬃砧
鐙前無限胡笳怨此日誰憐爨下琴

梁庄浣衣者郡中慈湖人也

某大吏

驚人塵夢過清鐘絕世聰明用及鋒
束濕有才嫌刻薄居高得地僞優容
難窺城府如司馬誓棄詩書是祖龍
破浪乘風致千里雲山巧拙隔千重

答丁果臣

夜扣園扉若疾雷傳言謬者自京回
昨朝御仗方

巡狩今日甘泉化草萊投袂勤王邊帥計剪燈痛哭小
臣哀披緇屨遂遺黎志尙冀呼鷹試築臺

憶范太守西民

維摩經卷微山寄擔客倉黃失鯉魚旦夕聞君辭楚相
春秋勸我著虞書前鋒南嶽新傳箭舊宅吳山未卜居
卽有仙人肯偕隱江皋無處不邱虛

答徐曉泉同年

自江蘇改官湖北

絳雲舒卷映日紅白雲滅沒隨天風山川林藪雜龍氣
俱能變化期無窮金聲玉振賢者事鴻鵠一舉卑江東
藍縷窮餓本吾分望君早霈爲霖功

時方祈雨

相印

相印命珪來九天公侯子孫世蟬聯萬八千歲壽考健
六十七人朋友賢用先友記內而卿監外節度南極嶺海北
幽燕謳歌徧有井水處謂之名世胡不然

秋水

秋水轟厖薄石磯式微式微胡不歸以詩三百五篇諫
形予四十九年非鸞鳩無知似相諷鳶魚適性方忘機
明朝柴車冒雨去僕已痛矣馬不肥

題師氏語錄

自歸蓮社餘尊酒雖賦閒情事本無怨偶益爲銜矢鳥
微詞虛託墜樓珠昨聞苗女求佳士遂說羅敷有故夫
脫使先施能網得應乘一舸泛江湖

題詞

盟會征誅七國同，尙文深識弊無窮。
民尊工賈原真學，誼始君臣亦古風。
夷夏漸成江海會，重黎難絕地天通。
富強誰啟千春俗，望斷靈王與孝公。

遙山

遙山作釜甑，初開電引癡。
龍駕晚雷十里一，亭秦法古四弦三。
拍楚歌哀關門路狹，留人跡戍角聲低。
想霸才石城晉恒煥築此夕山靈應笑我，年年負擔尙登臺。

道者

道者竹冠芟荷衣，如雲出岫心何機。
溪南詩老記顛末，齊東野人荒是非。
白雪偶彈琴一曲，青雲不羨鳥雙飛。

五陵年少誇裘馬陽烏方升螢火微

廣川回望

蟬委遺蛻神理去有相應成百不堪衛水增波濕芒屨
村泥髣柳剩茅庵人閒世異維摩室海上山思彌勒龕
車鈴郎當催曉夢誤承授記宿畿關

聞趙尊師將遊三茅詩以速之

崇禧宮觀亦丹邱瑤草瓊葩萬古留道內外篇傳白鶴
江南東路望青牛定逢女子知康伯況是宗風有伯旂
師已退位願備掃除壇下隸日遲飛舄到昇州

贈賀幼誠

海上浮鷗意態閒驚君相見鬢毛斑少時俠氣吞雲夢

近況深城厄水山座有客星哆口笑言從賊壘戴頭還
不如一舸窮沅水峯對香爐靜掩關

贈孟玉生

江南江北路非遙卅載重逢故意消三月烟花逢病酒
二分明月罷吹簫遊魚貪餌漁師巧行馬施門府主驕
我尙憶君池上柳獨甘風雨臥虹橋

在鄂憶田獻之

漁弟漁兄并長年綠蓑猶帶五陵烟近來交契惟詹尹
早歲遭逢痛羽淵相柏腹有詩書難發冢邑淪蛟鱷嬾歸
田滄江一係多灘石切莫輕操上水船

汶上懷趙尊師

昔年大邑誤兵車，忽觸仙人海上槎。
卻向長途憐驥裏，倏驚荒隴誤蝦蟆。

清淨塔人呼新進塔

高懷潔若天山雪，下走空

瞻火宅花重過夕陽，衰柳地不禁老淚憶胡麻。

曾蒙設食

庚辰五月四日聞何子清赴黃浦江死

射工射影莽愁予，醜詆伊誰豈步舒。

君死由進賢某大令構之

丁令

千年成海鶴，屈平五月

時五月初一

堊江魚若云，剛德難容

物何以名賢有薦書。

學使林天齡薦之于朝

日暮春申江上望，壻

鄉老友淚漣如。

謂翁鐵梅

午日悼子清

太阿之折本由剛，匣裏時騰貫斗光。
遂與蛟龍爭角黍，

恥隨鴈鶩逐餽糧。練裙已溼孤兒淚，

君愛女久適人

總帳猶無

少婦裝

君無妾媵

欲與招魂迷定所

君骸骨未獲

茅堂爲子罷蒲

觴

庚辰二月作

驅車不肯學王尊幸是懷中漢節存非馬放鳩無辯等
歐刀槃水亦仁恩欣逢博望臨西極不以燕人祭北門
徒習威儀工唯諾致君何以邁羲軒

學義山碧城

宵傳翠羽駕星淵不使牽牛貰聘錢君馬四驪行繹繹
妾魚五色戲田田瑤臺鳥散庭前樹珊瑚海龍耕石上烟
莫更崑山拜王母飛瓊弄玉已成仙

聞甘翁二母蒙樂善好施之獎特記之

己卯

河內河東苦旱荒玉圭告糴徧諸方

九重鳳詔頒

芻粟列郡鴻嗷盼稻粱會值孝思殷梓舍遂令慈惠感
萱堂過江人士瞻坊表巾箇於今有業陽

甘

振給羣沾盛世仁大家聞亦動深曠欲蘇溝壑將枯骨
遂化簪瑱有腳春兩母並叨任恤獎百年猶感困窮人
頗思疇昔淮陰道一飯誰周涸轍鱗

翁

題秦伯虞忠義錄

襤被西遊十一州

昇宣歙池饒江黃鄂岳鄧湘

眼中孤負晉陽秋若

爲留得萇宏血江令歸來慰白頭

題高子安冊頁

遼鶴歸來日已斜聞君摧折到荆花江南無處無芳草

夢賦池塘只謝家

嚴家河

泉交河水綠平隄中市人歸草屋低苦竹連山春日暮
鷓鴣啼過笮橋西

甘園

石山巧補竹籬疏六角亭東月上初亭外綠烟烟外水
絲絲香露浸芙蕖

程讓堂徵君注儀禮欵硯硯爲鐘形

爲孫仲容銘

研產于欽福于端左程士禮君周官石鐘聲宏星斗寒

烏光鉏里徒洛觀

時仲容方疏周官

胡愚園尊人遺象賊置之城樓上賊平乃得之

文武衣冠百不存妖氛纏斗變朝昏先民笑箸雙眸子
親見王師入北門

悔翁詩鈔補遺

終

受業合肥張士珩校字